

www.BibleForChildren.org

Matayo 8



Siku da kadatu kukala na zengele kudibuga da Kana mwiisi ya Galilaya. Mamake Yesu kakala aho, Yesu na wanahina zake vivija wagonekigwa kudizengele.



Divai viimalile, mamake kamulongela Yesu, “Divai imala.” Abaho mamake Yesu kawalongela waja wasang'hanaji, “Chochose chonda yawalongele sang'haneni.”



Yesu kawalongela awo iwasang'hanaji,
“Memezeni mazi nongo zose.” Nao
wazimemeza mbaka uchanha. Abaho Yesu
kawalongela, “Deheni kidogo mumgalile
mkulu wa dizengele.” Nao wamgalila.



Mkulu wa dizengele viyagalanzile gaja gamazi, gagaluka divai. Hajuwile kuilawile, lakini waja iwasang'hanaji wadehile gamazi wajuwa. Avo mkulu wa dizengele kamkema ayo yosola mwehe, kamulongela, “Kila munhu kagolaga divai inogile hana ichanduso.”



“Wanhu wagonekigwe wahang'wa ng'hani, kolava divai igwaduke wang'we, lakini gweye kuika divai inogile mbaka sambu!”



Yesu kasang'hana unzonza uno wa ichanduso
ako Kana mwiisi ya Galilaya.
Kuko kalagusa ukulu wake,
na wanahina zake
wamtogola.



Yesu viyacholile ukayake Petulo,
kamvika mkwe wa kitwanzi wa Petulo
kawasa mulusazi, kolumwa homa.



Yesu kamgoga mkono wake na homa imulawa,
nayo kenuka kasonga kuwasang'hanila.



Ichungulo, zuwa vidihongile, wanhu wamgalila
Yesu watamu na waja wakalile na vinyamkela.


Wanhu wose wa
kudibuga dija
waiting'hana
haluhelengo
Iwa ing'anda.



Yesu kawahonya wanhu wengi wakalile na mitamu na kawalava vinyamkela wengi. Hawalekile vinyamkela walonge kwavija wamjuwa kakala nani.



Wanhu wose wageza kumkwasa Yesu, kwavija nguvu ya kuhonya ikala ilawa kumwake na kuwahonya wose.



Abaho weza wanhu wane, wampapile munhu yaholole walonda kumgala kwa Yesu.



Kwavija kukala na lunhu, hawadahile
bule kumgala kwa Yesu. Avo watobola
zonzo kukiswili uchanha ya
aho haakalile Yesu,
wahumulusa mkeka
muyatambalale
munhu ayo
yaholole.



Yesu viyakone kutamani kwao, kamulongela munhu ayo yaholole, “Mwanangu, nzambi zako zigeligwa kumgongo.”


“Nokulongela, lamuka, papa mkeka wako, uchole ukae!”



Yesu kengila mwiingalawa na wanahina zake wamkweleleza. Bahaja dilawilila beho kulu kudilamba, na mawimbi ga mazi gaitowa ingalawa, mbaka ingalawa ilonda kudidimila. Lakini Yesu kakala yawasile.



Yesu kawalongela, “Mweye mutamanila kidogo,
habali modumba?” Avo kenuka kadikomhokela beho
na ng'humbi ya mazi vinyamale na baho kukala tuluu.
Wanhu wakanganya, wauza,
“Vino ino munhu gani?
Mbaka beho na
ng'humbi vomuhulika!”



Avo, Mulungu kawanogela wanhu wa
mwiisi mbaka kamulava Mwanage yeli
yaiyeka, muladi munhu yoyose yonda
yamtogole sekeyapotele lakini
yawwe na ugima wa
mazuwa gose.



Walumi 3:23

Wanhu wose watenda nzambi na wahungukilwa
na ukulu wa Mulungu.

Walumi 6:23

Kwavija fungu da nzambi ayo ifa, lakini nhunza ya Mulungu
awo ugima ulibule uhelelo kwa kuilumba na
Yesu Kilisito, Mndewa wetu.

Waebulania 9:27

Kamba vija kila munhu kofa mwanza umoja, abaho
kotagusigwa na Mulungu, vivo ili vivija kwa Kilisito
kalavigwa nhosa mwanza umoja kusegeza
nzambi za wanhu wengi.



Waefeso 2:8,9

Kubitila ng'hekewa ya Mulungu mukomboligwa kwa kumtamanila. Mbuli ino hailawilile kwa udahi wenu, lakini ilawilila kwa nhunza ya Mulungu, hailawilile kwa sang'hano zenu, avo munhu yoyose sambu yaitape.

Walumi 10:9,10

Wahalonga kwa mulomo wako kuwa Yesu ayo Mndewa na kotogola muumoyo wako kuwa Mulungu kamzilibula kwa wafile, kokomboligwa. Kwavija wahatogola muumoyo wako, kotendigwa kunoga mgamezo ga Mulungu na wahalonga kwa mulomo wako kokomboligwa.



Yohana 3:16,17

Avo, Mulungu kawanogela wanhu wa mwiisi mbaka kamulava Mwanage yeli yaiyeka, muladi munhu yoyose yonda yamtogole sekeyapotele lakini yawe na ugima wa mazuwa gose. Mulungu hamtumile mwanage yeze mwiisi yawataguse wanhu, lakini kamtuma yeze kuwakombola.

1 Yohana 5:11-13

Na uno awo usindila, Mulungu katugwelela ugima wa mazuwa gose, na ugima awo wa mna Imwanage. Munhu yoyose yeli na Mwana wa Mulungu kanao ugima awo, munhu yeliduhu Mwana wa Mulungu kaduhu ugima awo. Nowandikila mbuli zino, mweye mumtogole Mwana wa Mulungu, muladi mujuwe kamba munao ugima wa mazuwa gose.



Matayo 8-9; Maluko 1-2, 4; Luka 4, 8; Yohana 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kutu NT (kdc) © 2014 Pioneer Bible Translators and
The Word for the World

<https://live.bible.is/bible/KDCPBT/MAT/1>

©2026 Bible for Children, Inc.

www.M1914.org

www.bibleforchildren.org

